



PRESIDÊNCIA DO
CONSELHO
DE MINISTROS
VI GOVERNO CONSTITUCIONAL



Gabinete do
Ministro

Diskursu husi S.Esia.

Ministru Estadu ba Prezidénsia

Prezidénsia Konsellu Ministrus

Agio Pereira

Loron Nasionál

loron 1 fulan-setembru 2015

Espo Milaun 2015



Eselénsia sira, ilustre Konvidadu sira, Señora sira no Señor sira!

Ami agradese tebe-tebes ba imi-nia prezensa iha serimónia ida ne'e, ne'ebé marka Loron Nasionál Timor-Leste nian. Ami-nia delegasaun aproveita biban ida ne'e atu fó parabéns ba pavillaun sira ne'ebé marka sira nia Loron Nasionál, ne'ebé ami haree mós katak hala'o ho forma ida ne'ebé notável.

Ami laiha liafuan atu hatete, importante tebes ba Timor-Leste bele marka nia prezensa no partisipa ativu iha eventu internasionál importante ida ne'e.

Iha loron 30 fulan-agostu 1999, iha tinan 16 liubá, ami-nia povu, ho asaun ida ne'ebé barani, hodi decide ami nia país ninia destinú, liuhusi votu no Organizaasaun Nasoins Unidas nia tulun. Rezultadu votasaun nian, ne'ebé koñese hanesan Konsulta Populár, maka Timor-Leste, hetan pozisaun hanesan iha komunidadade internasionál nia leet, nu'udar nasaun ida ne'ebé independente no soberanu.

Ohin, iha Espozisaun Mundiál Milaun – 2015, ne'ebé laiha seluk hanesan, ami selebra aniversáriu referendu nian ba da-16 ne'ebé konfirma ona, dala ida no ba nafatin, ami nia povu nia determinasaun atu kaer rasik ninia destinú.

Iha fulan-setembru 2002, Timor-Leste tama ba Organizaasaun Nasoins Unidas no sai hanesan nia membru ne'ebé joven liu iha sékulu xx.

Ami nia Konstituisaun deklara katak objetivu sira Estadu nian maka garante ba povu atu moris iha pás no prosperidade, hodi respeitu malu iha relasaun sira ho nasaun sira seluk.

Ami nia bandeira konsagra ninia kor sira, la'ós de'it ho objetivu atu luta hasoru kí'ak, maibé mós atuhodi alkansa prosperidade

Kor mean la'ós atu hanoin de'it ba objetivu finál sira ukun-rasik-an nian no la'ós hetan soberania la hodi sakrifísiu; maibé mós, ohin atu afirma katak, povu ninia hakarak mak atu hetan moris ida ne'ebé saudável no pás ba nafatin presiza ita idak-idak nia sakrifísiu.

Metan no kinur hodi fó hanoin mai ita katak ita tenke continua luta hasoru kí'ak, lahatene lee no hakerek no laiha saúde. Maibé, aas liu hotu mak, atu ita sai independente loloos, ita tenke haka'as an atu hari nasaun ida ne'ebé povu bele hetan baze hirak di'ak edukasaun nian no iha kompeténsia téknika.

Símbulu fitun mutin kompromisu hosi ita-nia nasaun nian atu luta ba pás no serbisu maka'as nafatin, atu pás bele dura ba nafatin, iha ita nia povu nia leet no iha umanidade, nu'udar objetivu ida.

Funsiõna hanesan alerta ida nafatin katak, maski dalan ita atu la'o ba oin ne'e susar tebtebes, maibé roman ida sei mosu nafatin, atubele sai husi dalan klood ne'e; iha luta ba konsolidasaun ita-nia soberania nian, tuir ezemplu ne'ebé akontese durante besik tinan ruanulu-resin-lima husi luta ba liberdade no ukun rasik-an nian,



onestidade no perserveransa mak nu'udar garantia katak justisa maka sei prevalese.

Prinsípiu orientadór hirak ne'e maka lori ita ba vitória, iha luta libertasaun nasional, iha loron 30 fulan-agostu tinan 1999, hanesan luta ida ne'ebé bele kompara tuir Bíblia, bainhira David halakon Golias.

Ita moris iha era ida ne'ebé nakonu ho transformasaun sira; iha mundu ne'ebé iha ligasaun ba malu, fásil atu hetan koñesimentu. Iha ita-nia esforsu hotu-hotu iha ámbitu comunidade nasaun sira nian, maka sai nu'udar ita-nia kompromisu solene nasional ba ita atu haka'as an hodi promove pás no prosperidade ba ema hotu.

Hosi pontudevista nian, iniciativa ida ne'e tuir eskala mundial, katak Espo Milaun tinan 2015 ható'o mai-ita mensajen ida ne'ebé momoos: katak importante tebes atu ita ema bele muda ita-nia foku, hosi hakarak tebe-tebes atu hetan estilu moris saudável liu-tán, integradu liu-tán, no, liuliu, maka sentidu solidariedade ida ne'ebé forte no tahan nafatin.

Harii meu sira atu ita-nia povu bele hetan moris ida saudável nu'udar ita-nia prioridade nasional sira ne'ebé mak aas liu; no sei kontinua nune'e iha loron aban-bain-rua nian. Tanba ne'e mak ita daklara halakon kí'ak hanesan kauza nasional ida.

Ilustre Konvidadu sira, señora no señor sira, Belun sira

Ita-nia kultura nasional haree ba natureza hanesan parte importante ida husi moris nian. Ida-ne'e hamosu fiar ida hodi iha respeito tebes-tebes ba meu ambiente, ba natureza ne'e rasik ne'ebé sei fó moris ida saudável ba hotu-hotu.

Ita-nia dieta tradisionál maka liuliu kona-ba han modo-tahan; oinsá te'in no halo ai-han sira atubele hetan moris saudável tuir ita-nia bei'ala sira uluk nia moris.

Ita hatene katak ai-han modernu nian hanesan dezafiu ida ba jersaun foun sira. Tanba ne'e, iha Timor-Leste, hanesan mós devér nasional ida atu garante katak nutrisaun husi bei'ala sira nian bele transfere ba foin sa'e sira. Transferénsia ba valór nasional nian ne'e, akompaña liuhusi ninia kultura no política atu nune'e foin sa'e sira bele kompriende identidade nasional. Sira maka hanesan esperansa ba aban-bainrua nian ne'ebé dí'ak liu ba ita-nia nasaun. Ita tenke garante katak sakrifísiu no terus ne'ebé ita-nia povu moris daudaun ne'e atu sai hanesan nasaun ida ne'ebé hetan orgullu la'os naranaran de'it. Maibé ita labele hewai sakrifísiu hirak ne'ebé ita-nia bei'ala sira hasoru ona, iha tinan barak nia laran, ne'ebé halo ohin loron ita bele hamutuk no ita mós bele hetan repeitu hanesan ho comunidade nasaun sira nian.

Iha magnífiku Espo Milaun-2015 nian ne'e, ho ninia tema "*Alimentár o planeta, energia para a vida*), "Fó-han rai, enerjia ba moris" ho orgullu ita halo parte ba *cluster* kafé nian.

Evolusaun husi ita-nia kultura kafé nian ladi'ak ida, durante Funu Mundiál Daruak, bainhira Japaun invade no okupa Timor-Leste. Ida ne'e no funu ho forsa australiana sira halo ita-nia povu husik hela sira nia plantasaun



kafé.

Hafoin funu ne'e ramata, ai-horis sira hetan fali atensaun foun no kafé fahe ba iha área sira uluk nian, sira na'in moris. Mosu espésie foun ida íbrida no prátika kuda orgániku kafé nian hahú mosu ona iha ita-nia nasaun to'ohin loron tradisaun nasional kuda kafé nian ida atu fó moris ida saudável.

Señora no Señor sira, karik seidak iha biban atu koko kafé Timór, labele husik atu koko ohin kedas. Sei sente nia diferenza. Nia natureza orgánica sei hatudu nia sabór úniku no sei la haluha tán.

Ikusliu, maibé importante uituan, bele fó lisensa mai ha'u, lori delegasaun Timor-Leste nia naran, aproveita iha biban ida ne'e hodi fó parabén ba Governu italianu tanba ninia lideransa no dedikasaun ne'ebé ezemplár no, bele halo Espo Milaun-tinan 2015 ida ne'e hetan susesu ida internasionál. Komisaun organizadora hatudu kapasidade estraordinária ida kona-ba asegura funsionamentu ida ho orden, jestaun ida ne'ebé di'ak tebtebes.

Ita-nia ekipa iha Espozisaun, ita-nia delegasaun no ita-nia país aprende barak ho esperiénsia ne'e. Hanesan orgullu boot mai ne'ebé bele halo parte iha esforsu global hodi conserva enerjia ita-nia planeta nian atu ita bele asegura moris saudável ida.

Kona-ba ida ne'e, Itália no nasaun participante hotu-hotu iha eventu magnífiku ida ne'e, ne'ebé ami orgullu tebes hodi halo parte, halo duni servisu ida importante tebes-tebes ba ita-nia planeta. Nasaun partsipante hotu eventu ida ne'e nian, laiha dúvida, atu atinje objetivu importante sira, ne'ebé aas liu fronteira nasional sira.

Tuir vizaun inspiradora global Sócrates nian, bainhira nia deklarata katak "ha'u la'ós ateniense ka gregu, ha'u sidadaun ida mundu nian", ita bele hatete katak ida ne'e bele aplika hanesan ba kafé Timor nian. Nia sabór úniku no gostu no produsaun orgánica natural no saudável atu ita bele deklarata: "kafé Timor ne'e pertense ba mundu".

Obrigadu tanba simu ami-nia delegasaun, hodi fahe imi-nia esperiénsia no imi mós hakarak atu aprende ho ami. Ami hein katak imi bele haksolok ho vizita iha ami nia pavillaun no imi mós bele halo vizita ba ami-nia nasaun.

Obrigadu barak! Grazie! Congratulazioni Italia.Thank you, Muito obrigado.

